

十
八
家
詩
鈔

十八家詩鈔卷二十六目錄

李太白七絕七十九首

橫江詞六首

永王東巡歌十一首

上皇西巡南京歌十首

峨眉山月歌

東魯見狄博通

贈華州王司士

巴陵贈賈舍人

贈汪倫

聞王昌齡左遷龍標遙有此寄

黃鶴樓送孟浩然之廣陵

送賀賓客歸越

送外甥鄭灌從軍三首

送韓侍御之廣德令

山中答俗人

答湖州迦葉司馬問白是何人

謝崔侍御

魯東門汎舟二首

陪族叔刑部侍郎曄及中書賈舍人至遊洞庭五首

與謝良輔遊涇川陵巖寺

望廬山五老峯

望天門山

客中作

早發白帝城

秋下荆門

蘇臺覽古

越中覽古

廬江主人婦

山中與幽人對酌

與史郎中飲聽黃鶴樓上吹笛

白湖桃

巫山枕障

庭前晚開花

軍行

從軍行

春夜洛城聞笛

流夜郎聞酺不預

宣城見杜鵑花

長門怨二首

春怨

陌上贈美人

口號吳王舞人半醉

贈段七娘

別內赴徵三首

南流夜郎寄內

哭晁卿衡

杜工部七絕百五首

贈李白

蕭八明府實處覓桃栽

從韋二明府續處覓綿竹

憑何十一少府邕覓橙木栽

詣徐卿覓果栽

憑韋少府班覓松樹子

又於韋處乞大邑瓷盃

絕句漫興凡首

春水生二絕

少年行二首

少年行

贈花卿

李司馬橋了承高使君自成都回

江畔獨步尋花七絕句

重贈鄭鍊絕句

中丞嚴公雨中垂寄見憶一絕奉會二絕

謝巖中丞送青城山道士乳酒一瓶

三絕句

戲爲六絕句

答楊梓州

得房公池鵝

官池春雁二首

投簡梓州幕府兼簡韋十郎官

戲作寄上漢中王二首

黃河二首

絕句四首

奉和嚴公軍城早秋

三絕句

存沒口號二首

夔州歌十絕句

解悶十二首

承聞河北諸道節度入朝歡喜口號絕句十二首

上卿翁請修武侯廟遺像缺落時崔卿權夔州
喜聞盜賊總退口號五首

漫成一絕

書堂飲旣夜復邀李尙書下馬月下賦絕句

江南逢李邕年

蘇東坡七絕上二百三首

鄮塢

授經臺

九月中曾題一小詩於南溪竹上旣而忘之昨日再遊見

而錄之

蘇東坡詩集卷三十六
五
濠州七絕

初到杭州寄子由二絕

吉祥寺賞牡丹

吉祥寺僧求閣名

六月二十七日望湖樓醉書五首

夜泛西湖五絕

沈諫議召遊湖不赴明日得雙蓮於北山下作一絕持獻

沈既見和又別作一首因用其韻

望海樓晚景五絕

八月十七復登望海樓自和前篇是日榜出與試官兩人

復畱五首

和陳述古拒霜花

和沈立之畱別二首

鹽官絕句四首

六和寺冲師闢山溪爲水軒

冬至日獨遊吉祥寺

後十餘日復至

戲贈

和人求筆跡

贈孫莘老七絕

王復秀才所居雙檜二首

上元過祥符僧可久房蕭然無燈火

飲湖上初晴後雨二首

富陽妙庭觀董雙成故宅發地得丹鼎覆以銅盤承以琉璃盆盆既破碎丹亦爲人爭奪持去今獨盤鼎在耳二首

山村五絕

贈別

次韻代畱別

吉祥寺花將落而述古不至

述古聞之明日卽來坐上復用前韻同賦

寶山晝睡

席上代人贈別三首

唐道人言天目山上俯視雷雨每大雷電但聞雲中如嬰兒聲殊不聞雷震也

道和子由去歲試舉人洛下所寄五首

佛日山樂長老方丈五絕

八月十五日看潮五絕

臨安三絕

陌上花三首

九日舟中望見有美堂上魯少卿飲以詩戲之二首

遊諸佛舍一日飲醞茶七盞戲書勤師壁

金門寺中見李西臺與二錢唱和四絕句戲用其韻跋之
書雙竹湛師房二首

和述古冬日牡丹四首

弔天竺海月辯師三首

柳氏二外甥求筆迹二首

錢道人有詩云直須認取主人翁作兩絕戲之

成都進士杜暹伯升出家名法通往來吳中

監洞霄宮俞康直郎中所居四詠

次韻沈長官三首

戲書吳江三賢畫像三首

回先生過湖州東林沈氏飲醉以石榴皮書其家東老菴
之壁云西鄰已富憂不足東老雖貧樂有餘白酒釀來
因好客黃金散盡爲收書西蜀和仲聞而次其韻三首
東老沈氏之老自謂也湖人因以名之其子偕作詩有
可觀者

李行中醉眠亭三首

單同年求德興俞氏聚遠樓詩三首

次韻孫巨源寄漣水李盛二善作竝以見寄五絕

王莽

董卓

送趙寺丞寄陳海州

答陳述古二首

和張子野見寄三絕句

和文與可洋川園池三十首

和孔密州五絕

和趙郎中見戲二首

子由將赴南都與余會宿於逍遙堂作兩絕句讀之殆不

可為懷因和其詩以自解余觀子由自少曠達天資近

道又得至人養生長年之訣而余亦竊聞其一二以爲
今者宦游相別之日淺而異時退休相從之日長旣以
自解且以慰子由云二首

陽關詞三首

和孔周翰二絕

登望祺亭

虔州八境圖八首

十八家詩鈔卷二十六目錄

善化黃維申襄校

十八家詩鈔卷二十六

湘鄉曾國藩纂

合肥李鴻章審訂

東湖王定安校

李太白七絕七十九首

橫江詞六首

人言橫江好。儂道橫江惡。一風三日吹倒山。一作猛風吹倒天門山白浪高於瓦官閣。

海潮南去過尋陽。牛渚由來險馬當。橫江欲渡風波惡。一水牽愁萬里長。

橫江西望阻西秦。漢水東連揚子津。白浪如山那可渡。狂風愁殺峭帆人。

海神來過惡風迴浪打天門石壁開浙江八月何如此濤似連山噴雪來

橫江館前津吏迎向余東指海雲生郎今欲渡緣何事如此風波不可行

月暈天風霧不開海鯨東蹙百川迴驚波一起三山動公無渡河歸去來

永王東巡歌十一首

永王正月東出師天子遙分龍虎旗樓船一舉風波靜江漢翻爲雁鷺池

三川北虜亂如麻四海南奔似永嘉但用東山謝安石爲君談

笑靜湖沙。

雷鼓嘈嘈喧武昌。雲旗獵獵過尋陽。秋毫不犯三吳悅。春日遙看五色光。

龍盤虎踞帝王州。帝子金陵訪古邱。春風試暖昭陽殿。明月還過鳩鵲樓。

二帝巡遊俱未迴。五陵松柏使人哀。諸侯不救河南地。更喜賢王遠道來。

丹陽北固是吳關。畫出樓臺雲水閒。千巖烽火連滄海。兩岸旌旗繞碧山。

王出三江按五湖。樓船跨海次揚都。戰艦森森羅虎士。征帆一

一引龍駒。

長風挂席勢難迴。海動山傾古月摧。君看帝子浮江日。何似龍驤出峽來。

祖龍浮海不成橋。漢武尋陽空射蛟。我王樓艦輕秦漢。卻似文皇欲渡遼。

帝寵賢王入楚關。掃清江漢始應還。初從雲夢開朱邸。更取金陵作小山。

試借君王玉馬鞭。指麾戎虜坐瓊筵。南風一掃胡塵靜。西入長安到日邊。

上皇西巡南京歌十首

胡塵輕拂建章臺。聖主西巡蜀道來。劍壁門高五千尺。石爲樓

閣九天開。

九天開出一成都。萬戶千門入畫圖。草樹雲山如錦繡。秦川得

及此閒無。

德陽春樹似新豐。行入新都若舊宮。柳色未饒秦地綠。花光不

減上林紅。

誰道君王行路難。六龍西幸萬人歡。地轉錦江成渭水。天迴玉

壘作長安。

萬國同風共一時。錦江何謝曲江池。石鏡更明天上月。後宮親

得照娥眉。

濯錦清江萬里流。雲帆龍舸下揚州。北地雖誇上林苑。南京還有散花樓。

錦水東流繞錦城。星橋北挂象天星。四海此中朝聖主。峨眉山上列仙庭。

秦開蜀道置金牛。漢水元通星漢流。天子一行遺聖跡。錦城長作帝王州。

水綠天青不起塵。風光和暖勝三秦。萬國煙花隨玉輦。西來添作錦江春。

劍閣重關蜀北門。上皇歸馬若雲屯。少帝長安開紫極。雙懸日月照乾坤。

峨眉山月歌

峨眉山月半輪秋。影入平羌江水流。夜發清溪向三峽。思君不見下渝州。

東魯見狄博通

去年別我向何處。有人傳道游江東。謂言挂席度滄海。卻來應是無長風。

贈華州王司士

淮水不絕波瀾高。盛德未泯生英髦。知君先負廟堂器。今日還須贈寶刀。

巴陵贈賈舍人

賈生西望憶京華。湘浦南遷莫怨嗟。聖主恩深漢文帝。憐君不遣到長沙。

贈汪倫

李白乘舟將欲行。忽聞岸上踏歌聲。桃花潭水深千尺。不及汪倫送我情。

聞王昌齡左遷龍標遙有此寄

揚州花落一作楊花落盡子規啼。聞道龍標過五溪。我寄愁心與明月。隨君直到夜郎西。

黃鶴樓送孟浩然之廣陵

故人西辭黃鶴樓。煙花三月下揚州。孤帆遠影碧山盡。唯見長

江天際流。

送賀賓客歸越

鏡湖流水漾清波。狂客歸舟逸興多。山陰道士如相見。應寫黃庭換白鵝。

送外甥鄭灌從軍三首

六博爭雄好彩來。金盤一擲萬人開。丈夫賭命報天子。當斬胡頭衣錦迴。

丈人蛇矛出隴西。彎弧拂箭白猿啼。破胡必用龍韜策。積甲應將熊耳齊。

月蝕西方破敵時。及瓜歸日未應遲。斬胡血變黃河水。臯首當

懸白鵲旗

送韓侍御之廣德令

昔日繡衣何足榮。今宵蕢酒與君傾。暫就東山賒月色。酣歌一夜送泉明。

山中答俗人

問余何意一作事棲碧山。笑而不答心自閑。桃花流水窅一作宛然去。別有天地非人間。

答湖州迦葉司馬問白是何人

青蓮居士謫仙人。酒肆藏名三十春。湖州司馬何須問。金粟如來是後身。

酬崔侍御

嚴陵不從萬乘遊。歸臥空山釣碧流。自是客星辭帝坐。元非太白醉揚州。

魯東門汎舟二首

日落沙明天倒開。波搖石動水縈迴。輕舟泛月尋溪轉。疑是山陰雪後來。水作青龍盤石堤。桃花夾岸魯門西。若教月下乘舟去。何啻風流到剡溪。

陪族叔刑部侍郎曄及中書賈舍人至游洞庭五首

洞庭西望楚江分。水盡南天不見雲。日落長沙秋色遠。不知何

處弔湘君

南湖秋水夜無煙。耐可乘流直上天。且就洞庭賒月色。將船買酒白雲邊。

洛陽才子謫湘川。元禮同舟月下仙。記得長安還欲笑。不知何處是西天。

洞庭湖西秋月輝。瀟湘江北早鴻飛。醉客滿船歌白紵。不知霜露入秋衣。帝子瀟湘去不還。空餘秋草洞庭閒。淡掃明湖開玉鏡。丹青畫出是君山。

與謝良輔游涇川陵巖寺

乘君素舸汎涇西。宛似雲門對若溪。且從康樂尋山水。何必東游入會稽。

望廬山五老峯

廬山東南五老峯。青天削出金芙蓉。九江秀色可攬結。吾將此地巢雲松。

望天門山

天門中斷楚江開。碧水東流直北迴。兩岸青山相對出。孤帆一片日邊來。

客中作

蘭陵美酒鬱金香。玉碗盛來琥珀光。但使主人能醉客。不知何

處是他鄉

早發白帝城

朝辭白帝彩雲間。千里江陵一日還。兩岸猿聲啼不住。輕舟已過萬重山。

秋下荆門

霜落荆門江樹空。布帆無恙挂秋風。此行不爲鱸魚膾。自愛名山人剡中。

蘇臺覽古

舊苑荒臺楊柳新。菱歌春唱不勝春。只今唯有西江月。曾照吳王宮裏人。

越中艷古

越王句踐破吳歸。義士還家盡錦衣。宮女如花滿春殿。只今唯
有鷓鴣飛。

廬江主人婦

孔雀東飛何處棲。廬江小吏仲卿妻。爲客裁縫石自見。城烏獨
宿夜空啼。

山中與幽人對酌

兩人對酌山花開。一杯一杯復一杯。我醉欲眠卿且去。明朝有
意抱琴來。

與史郎中飲聽黃鶴樓上吹笛

一爲遷客去長沙。西望長安不見家。黃鶴樓中吹玉笛。江城五月落梅花。

白胡桃

紅羅袖裏分明見。白玉盤中看卻無。疑是老僧休念誦。腕前推下水精珠。

巫山枕障

巫山枕障畫高邱。白帝城邊樹色秋。朝雲夜入無行處。巴水橫天更不流。

庭前晚開花

西王母桃種我家。三千陽春始一花。結實苦遲爲人笑。攀折啣

啣長咨嗟

軍行

驪馬新跨

一作誇

白玉鞍。戰罷沙場月色寒。城頭鐵鼓聲猶震。匣

裏金刀血未乾。

從軍行

百戰沙場碎鐵衣。城南已合數重圍。突營射殺呼延將。獨領殘

兵千騎歸。

春夜洛城聞笛

誰家玉笛暗飛聲。散入春風滿洛城。此夜曲中聞折柳。何人不

起故園情。

李詩抄

卷三十一

李詩

九

流夜郎聞酺不預

北關聖人歌大康。南冠君子竄遐荒。漢酺聞奏鈞天樂。願得風吹到夜郎。

宣城見杜鵑花

蜀國會聞子規鳥。宣城還見杜鵑花。一叫一迴腸一斷。三春三
月憶三巴。

長門怨二首

天迴北斗挂西樓。金屋無人螢火流。月光欲到長門殿。別作深
宮一段愁。

桂殿長愁不記春。黃金四屋起秋塵。夜懸明鏡青天上。獨照長

門宮裏人

春怨

白馬金羈遶海東。羅帷繡被臥春風。落月低軒。窺燭盡。飛花入戶。笑牀空。

陌上贈美人

駿馬驕行踏落花。垂鞭直拂五雲車。美人一笑褰珠箔。遙指紅樓是妾家。

口號吳王舞人半醉

風動荷花水殿香。姑蘇臺上宴吳王。西施醉舞嬌無力。笑倚東窗白玉牀。

贈段七娘

羅襪凌波生網塵。那能得計訪情親。
千杯綠酒何辭醉。一面紅妝惱殺人。

別內赴徵三首

王命三徵去未還。明朝離別出吳關。
白玉高樓看不見。相思須上望夫山。

出門妻子強牽衣。問我西行幾日歸。
來時儻佩黃金印。莫見蘇秦不下機。

翡翠爲樓金作梯。誰人獨宿倚門啼。
夜泣寒燈連曉月。行行淚盡楚關西。

南流夜郎寄內

夜郎天外怨離居。明月樓中音信疏。
北雁春歸看欲盡。南來不
得豫章書。

吳晁卿衡

日本晁卿辭帝都。征帆一片遶蓬壺。
明月不歸沈碧海。白雲愁
色滿蒼梧。

杜工部七絕百五首

贈李白

秋來相顧尙飄蓬。未就丹砂愧葛洪。
痛飲狂歌空度日。飛揚跋
扈爲誰雄。

蕭八明府實

一作

處覓桃栽

奉乞桃栽一百根春前爲送浣花村
河陽縣裏雖無數濯錦江
邊未滿園

從鞏二明府續處覓縣竹

華軒藹藹他年到縣竹亭亭出縣高
江上舍前無此物幸分蒼
翠拂波濤

憑何十一少府邕覓椴木栽

草堂塹西無樹林非子誰復見幽心
飽聞椴木三年大與致溪
邊十畝陰

詣徐卿覓果栽

草堂少花今欲栽不問綠李與黃梅
石筍街中卻歸去果園坊裏爲求來

憑韋少府班覓松樹子

落落出羣非檉柳青青不朽豈楊梅
欲存老蓋千年意爲覓霜根數寸栽

又於韋處乞大邑瓷盃

錢注元相郡國志邳州大邑縣本漢江源縣地咸通二年割晉原縣

之西界置

大邑燒瓷輕且堅扣如哀玉錦城傳
君家白盃勝霜雪急送茅齋也可憐

絕句漫興九首

眼見客愁愁不醒無賴春色到江亭
卽遣花開深造次便教鶯語太丁寧

手種桃李非無主野老牆低還是家
恰似春風相欺得夜來吹折數枝花

熟知茅齋絕低小江上燕子故來頻
銜泥點污琴書內更接飛蟲打著人

二月已破三月來漸老逢春能幾回
莫思身外無窮事且盡生前有限杯

腸斷江春欲盡頭杖藜徐步立芳洲
顛狂柳絮隨風去輕薄桃花逐水流

嬾慢無堪不出村呼兒日在掩柴門蒼苔澗酒林中靜碧水春風野外昏

糝徑楊花鋪白氈點溪荷葉疊青錢荷根稚子無人見沙上鳧雛傍母眠

舍西柔桑葉可拈江畔細麥復纖纖人生幾何春已夏不放香醪如蜜甜

隔戶楊柳弱嬾嬾恰似十五女兒腰誰謂朝來不作意狂風挽斷最長條

春水生二絕

二月六夜春水生門前小灘一云渾欲平鷓鴣鷓鴣莫漫喜吾

與汝曹俱眼明

一夜水高二尺強，數日不可更禁當。
南市津頭有船賣，無錢卽買繫離旁。

少年行二首

莫笑田家老瓦盆，自從盛酒長兒孫。
傾銀注玉錢箋本作瓦驚人眼，共醉終同臥竹根。

巢鷺養雛渾去盡，江花結子已無多。
黃衫年少來宜數，不見堂前東逝波。

少年行

馬上誰家白面郎，臨階下馬踏人牀。
不通姓字躡豪甚，指點銀

瓶索酒嘗

贈花卿

錦城絲管日紛紛。半入江風半入雲。此曲祇應天上有人聞。能得幾回聞。

李司馬橋了承高使君自成都回

上有陪李七司馬阜江上觀造竹橋二詩一七

律一五律今另鈔於五七律中此題遂不可解

向來江上手紛紛。三日功成事出羣。已傳童子騎青竹。總擬橋東待使君。

江畔獨步尋花七絕句

江上被花惱不徹。無處告訴只顛狂。走覓南鄰愛酒伴。經旬出

飲獨空牀

自注解斯融吾酒徒

稠花亂藥畏江濱行步欲危實怕春詩酒尙堪驅使在未須料理白頭人

江深竹靜兩三家多事紅花映白花報答春光知有處應須美酒送生涯

東望少城花滿煙百花高樓更可憐誰能載酒開金盞喚取佳人舞繡筵

黃師塔前江水東春光嬾困倚微風桃花一簇開無主可愛深紅愛淺紅

黃四娘家花滿蹊千朵萬朵壓枝低留連戲蝶時時舞自在嬌

驚恰恰啼

不是看花卽索

一作欲

死只恐花盡老相催繁枝容易紛紛落嫩

葉

一作

商量細細開

重贈鄭鍊絕句

鄭子將行罷使臣囊無一物獻尊親
江山路遠羈離日裘馬誰爲感激人

中丞嚴公雨中垂寄見憶一絕奉倉二絕

雨映行宮辱贈

詩錢箋國史補蜀郡有萬里橋玄宗至而喜曰

與行宮相近張說奉和早

元戎肯赴野人期江邊老病雖無力

渡蒲關詩樓映行宮日
強擬晴天理釣絲

何日雨晴雲出溪白沙青石先一作洗無泥只須伐竹開荒徑倚

杖穿花聽馬嘶

謝嚴中丞送青城山道士乳酒一瓶

山瓶乳酒下青雲氣味濃香幸見分鳴鞭走送憐漁父洗盞開

嘗對馬軍自注軍州備騎使騎爲馬軍

三絕句

楸樹馨香倚釣磯斬新花藥未應飛不如醉裏風吹盡可忍醒時雨打稀

門外鷓鴣去不來沙頭忽見眼相猜自今已後知人意一日須來一百回

無數春筍滿林生。柴門密掩斷人行。會須上番看成竹。客至從
臆不出迎。

戲爲六絕句

庾信文章老更成。凌雲健筆意縱橫。今人嗤點流傳賦。不覺前
賢畏後生。

楊王盧駱當時體。輕薄爲文酒未休。爾曹身與名俱滅。不廢江
河萬古流。

縱使盧王操翰墨。劣於漢魏近風騷。龍文虎脊皆君馭。歷塊過
都見爾曹。

才力應難跨數公。凡今誰是出羣雄。或看翡翠蘭苕上。未掣鯨

魚碧海中

不薄今人愛古人清詞麗句必爲鄰竊攀屈宋宜方駕恐與齊

梁作後塵

未及前賢更勿疑遞相祖述復先誰別裁僞體親風雅轉益多

師是汝師

答楊梓州

悶到楊公池水頭坐逢楊子鎮兼州卻向青溪不相見迴船應

載阿戎遊

得房公池鶯

房相西池鶯一羣眠沙泛浦白於雲鳳凰池上應迴首爲報籠

隨王右軍

官池春雁二首

自古稻梁多不足至今鷓鴣亂爲羣
且休悵望看春水更恐歸飛隔暮雲

青春欲盡急還鄉紫塞甯論尚有霜
翅在雲天終不遠力微矰繳絕須防

投簡梓州幕府兼簡韋十郎官

幕下郎官安穩無從來不奉一行書
固知貧病人須棄能使韋郎跡也疏

戲作寄上漢中王二首

自注王新
誕明珠

十八家詩鈔 卷二十六
雲裏不聞雙雁過
掌中貪看一珠新
秋風嫋嫋吹江漢
只在他鄉何處人

謝安舟楫風還起
梁苑池臺雪欲飛
杳杳東山攜妓去
泠泠修竹待王歸

黃河三首

黃河北岸海西軍
椎鼓鳴鐘天下聞
鐵馬長鳴不知數
胡人高鼻動成羣

黃河南岸是吾蜀
欲須供給家無粟
願驅眾庶戴君王
混一車書棄金玉

絕句四首

堂西長筍別開門。聖北行椒卻背村。梅熟許同朱老喫。松高擬

對阮生論。

自注朱阮
劍外相知

欲作魚梁雲覆湍。因驚四月雨聲寒。青溪先有蛟龍窟。竹石如
山不敢安。

兩箇黃鸝

鳴翠柳

一行白鷺上青天。窗含西嶺千秋雪。門泊東

吳萬里船。

自注西山白
雪四時不消

藥條藥甲潤青青。色過櫻亭入草亭。苗滿空山慙取譽。根居隙
地怯成形。

奉和嚴公軍城早秋

秋風嫋嫋動高旌。玉帳分弓射虜營。已收滴博雲閒戍。更奪蓬

婆雪外城

三絕句

前年渝州殺刺史今年開州殺刺史
羣盜相隨劇虎狼食人更
肯畱妻子

一十一家同入蜀惟殘一人出駱谷
自說二女鬻臂時迴頭卻
向秦雲哭

殿前兵馬雖驍雄縱暴略與羌渾同
聞道殺人漢水上婦女多
在官軍中

存沒口號二首

席謙不見近彈棋畢曜仍傳舊小詩
玉局他年無限笑白楊今

日幾人悲

自注道士席謙善彈碁故曰玉局

鄭公粉繪隨長夜曹霸丹青已白頭天下何曾有山水人間不

解重驪駟

自注高士榮陽鄭虔善畫山水曹霸善畫馬也

夔州歌十絕句

中。巴。之。東。巴。東。山。江。水。開。闢。流。其。間。白。帝。高。爲。三。峽。鎮。瞿。塘。險。過。百。牢。關。

白。帝。夔。州。各。異。城。蜀。江。楚。峽。混。殊。名。英。雄。割。據。非。天。意。霸。主。并。吞。在。物。情。

羣。雄。競。起。問。前。朝。王。者。無。外。見。今。朝。比。訝。漁。陽。結。怨。恨。元。聽。舜。

日。舊。簫。韶。

赤甲白鹽俱刺天。閭閻繚繞接山巔。楓林橘樹丹青合。複道重

樓錦繡懸。

灑東灑西一萬家。江南江北春花背。飛鶴子遺瓊藥相趁覓。

維入蔣牙。

東屯稻畦一百頃。北有澗水通青苗。晴浴狎鷗分處處。雨隨神

女下朝朝。

蜀麻吳鹽自古通。萬斛之舟行若風。長年三老長歌裏。白晝攤

錢高浪中。

憶昔咸陽都市合。山水之圖張寶時。巫峽曾經寶屏見。楚宮猶

對碧峯疑。

武侯祠堂不可忘。中有松柏參天長。干戈滿地客愁破。雲日如火炎天涼。

閩風元圃與蓬壺。中有高唐天下無。借問夔州壓何處。峽門江腹擁城隅。

解悶十二首

草閣柴扉星散居。浪翻江黑雨飛初。山禽引子哺紅果。溪女得錢畱白魚。

商胡離別下揚州。憶上西陵故驛樓。錢箋水經注浙江又逕固

陵湖亦謂之西城湖會稽志云西陵城在蕭山縣西十二里謝惠連有西陵阻風獻康樂詩吳越改曰西興東坡詩爲傳鐘鼓到西興是也浙江通志西陵城吳越改爲西陵驛按白樂天答微之泊西陵驛見寄云煙波盡處一點白應是西陵古驛臺則

西陵舊有驛至吳為問淮南米貴賤老夫乘興欲東遊

一辭故國十經秋每見秋瓜憶故邱今日南湖采薇蕨何人為

覓鄭瓜州自注今鄭祕監審錢箋水經注長安第二門本名屬籍詩曰昔聞東陵瓜近在青門外南出東頭第一門本名獨益門其南有下杜城應劭曰故杜陵之下聚落也故曰下杜門

沈范早知何水部曹劉不待辭郎中獨當省署開文苑兼泛滄

浪學釣翁自注水部郎中薛據

李陵蘇武是吾師孟子論文更不疑一飯未曾留俗客數篇今

見古人詩自注校書郎雲卿

復憶襄陽孟浩然清詩句句盡堪傳即今猶憶無新語漫釣槎

頭縮項鱸

陶冶性靈存底物。新詩改罷自長吟。孰知二謝將能事。頗學陰何苦用心。

不見高人王右丞。藍田邱壑漫寒藤。最傳秀句寰區滿。未絕風

流相國能。

自注右丞弟
今相國緒

先帝貴妃今寂寞。荔枝還復入長安。炎方每續朱櫻獻。玉座應悲白露團。

憶過瀘戎摘荔枝。青楓隱映石逶迤。京華應見無顏色。紅顆酸甜只自知。

翠瓜碧李沈玉盤。赤梨葡萄寒露成。可憐先不異枝蔓。此物娟娟長遠生。

側生野岸及江蒲

一作蒲

不熟丹宮滿玉壺雲笈布衣船背死勞

人害馬翠眉須

按後四首專詠荔枝不知何以與前八首同爲解悶之詩

承聞河北諸道節度入朝歡喜日號絕句十二首

祿山作逆降天誅更有思明亦已無洵人寰猶不定時時戰

鬪欲何須

社稷蒼生計必安蠻夷雜種錯相干

錢箋舊書安祿山營州柳城雜種胡人也本無姓氏

名軋犇山史思明本名宰干營州隋羌州突厥雜種胡人也

周宣漢武今王是孝子忠臣後

代看

噓噓道路好童謠河北將軍盡入朝

錢本作始是乾坤王室正創

教江漢客魂銷

不道諸公無表來茫茫庶事遣人猜擁兵相學干戈銳使者徒勞百萬迴

鳴玉鏘金盡正臣修文偃武不無人興王會靜妖氛氣聖壽宜過一萬春

英雄見事若通神聖哲爲心小一身燕趙休矜出佳麗宮闈不

擬選才人

錢箋天興聖節諸道節度使麻金帛器用珍玩駿馬爲壽共直繼錢二十四萬常袞上言請御之不聽此

詩稱頌聖哲高則諷諭代

抱病江天白首郎空山樓閣暮春光衣冠是日朝天子草奏何

時入帝鄉

瀟灑山東一百州削成如桼抱青邱包茅重入歸關內王祭還

八家詩金
卷三十一
三十一
供盡海頭

東逾遼水北滹沱。星象風雲喜共和。紫氣關臨天地闊。黃金臺
貯俊賢多。

漁陽突騎邯鄲兒。酒酣竝轡金鞭垂。意氣卽歸雙闕舞。雄豪復
遣五陵知。

李相將軍擁薊門。白頭惟有赤心存。竟能盡說諸侯入。知有從
來天子尊。

十二年來多戰場。天威已息陣堂堂。神靈漢代中興主。功業汾
陽異姓王。

上卿翁請修武侯廟遺像缺落時崔卿權夔州

大賢爲政卽多聞
刺史眞符不必分
尙有西郊諸葛廟
臥龍無首對江濱

喜聞盜賊總退口號五首

錢本盜賊下多蕃寇二字

蕭關隴水入官軍
青海黃河卷塞雲
北極嘒愁龍虎氣
西戎休縱犬羊羣

贊普多教使入秦
數通和好止煙塵
朝廷忽用哥舒將
殺伐虛

悲公主親

錢箋開元二十九年金城公主薨吐蕃遣使告哀仍請和上不許十二月吐蕃襲石堡城蓋嘉運不能守

玄宗憤之天寶七載以哥舒翰爲隴右節度使改而拔之

崆峒西極過崑崙
駝馬由來擁國門
逆氣數年吹路斷
蕃人聞

道漸星奔

勃律天西采玉河
堅昆碧盃最來多
舊隨漢使千堆寶
少啓胡王萬匹羅

今春喜氣滿乾坤
南北東西拱至尊
大曆三年調玉燭
玄宗帝聖雲孫

漫成一絕

江月去人只數尺
風燈照夜欲三更
沙頭宿鷺聯拳靜
船尾跳魚撥刺鳴

書堂飲既夜復邀李尚書下馬月下賦絕句

前一首宴胡侍御書堂已

鈔於五律中故此題曰書堂飲既

湖月林風相與清
殘樽下馬復同傾
久

野鶴如霜鬢遮莫鄰

雞下五更

江南逢李龜年

岐王宅裏尋常見，崔九堂前幾度聞。
正是江南好風景，落花時節又逢君。

蘇東坡七絕上二百三首

鄮塢

衣中甲厚行何懼，塢裏金多退足憑。
畢竟英雄誰得似，臍脂自照不須燈。

授經臺

自注乃南山一峯耳非復有築處

劍舞有神遁草聖，海山無事化琴工。
此臺一覽秦川小，不待傳

經意已空

九月中曾題二小詩於南溪竹上既而忘之昨日再遊見

而錄之

此題有五絕一首未鈔

湖上蕭蕭疏雨過山頭靄靄暮雲橫陂塘水落荷將盡城市人歸虎欲行

濠州七絕

塗山

自注下有蘇廟山前有禹會村唐地理志濠州鍾離縣有塗山九域志當塗城塗山氏之邑

川鎖支祁水尚渾地理汪罔骨應存樵蘇已入黃熊廟烏鵲猶

朝禹會村

彭祖廟

自注有雲母山云彭祖所採服也

跨歷商周看盛衰。欲將齒髮鬪虵龜。空餐雲母連山盡。不見蟠桃著子時。

逍遙臺

自注莊子祠堂在開元寺即墓爲堂

常怪劉伶死便埋。豈伊忘死未忘骸。烏鳶奪得與螻蟻。誰信先生無此懷。

觀魚臺

欲將同異較錙銖。肝膽猶能楚越如。若信萬殊歸一理。子今知我我知魚。

虞姬墓

帳下佳人拭淚痕。門前壯士氣如雲。倉黃不負君王意。只有虞

姬與鄭君

四望亭

白注太和中刺史劉嗣之立李紳以太子賓客分司東都過濠爲作記記今存而亭廢者數年矣

顏垣破礎沒柴荆。故老猶言短李亭。敢請使君重起廢。落霞孤鷺換新銘。

浮山洞

自注洞在淮上夏潦不能及而冬不加高故人疑其浮也

人言洞府是鼇窟。升降隨波與海通。共坐船中那得見。乾坤浮水水浮空。

初到杭州寄子由二絕

自此以下作杭州以後之詩

眼看時事力難勝。貪戀君恩退未能。遲鈍終須投劾去。使君何

日換蠶丞

聖明寬大許全身。衰病摧頽自畏人。莫上岡頭苦相望。吾方祭
竈請比鄰。

吉祥寺賞牡丹

人老簪花不自羞。花應羞上老人頭。醉歸扶路人應笑。十里珠
簾半上鉤。

吉祥寺僧求閣名

過眼榮枯電與風。久長那得似花紅。上人宴坐觀空閣。觀色觀
空色卽空。

六月二十七日望湖樓醉書五首

黑雲翻墨未遮山。白雨跳珠亂入船。卷地風來忽吹散。望湖樓

下水如天。

放生魚鼈逐人來。無主荷花到處開。水枕能令山俯仰。風船解

與月裴回。

烏菱白芡不論錢。亂繫青菰裹綠盤。忽憶嘗新曾靈觀。滯留江

海得加餐。

獻花游女木蘭橈。細雨斜風溼翠艖。無限芳洲生杜若。吳兒不

識楚辭招。

未成小隱聊中隱。可得長閒勝暫閒。我本無家更安往。故鄉無

此好湖山。

夜泛西湖五絕

新月生魄迹未安。纔破五六漸盤桓。今夜吐豔如半璧。游人得向三更看。

三更向闌月漸垂。欲落未落景特奇。明朝人事誰料得。看到蒼龍西沒時。

蒼龍已沒牛斗橫。東方芒角昇長庚。漁人收筒及未曉。船過惟

有荻蒲聲。

自注湖上禁漁皆盜釣者也

荻蒲無邊水茫茫。荷花夜開風露香。漸見燈明出遠寺。更待月

黑看湖光。

湖光非鬼亦非仙。風恬浪靜光滿川。須臾雨雨入寺去。就視不

見空茫然

沈諫議召遊湖不赴。明日得雙蓮於北山下，作一絕持獻。

沈既見和，又別作一首，因用其韻。

湖上棠陰手自栽，問公更得幾回來。水仙亦恐公歸去，故遣雙蓮一夜開。

詔書行捧縷金牋，樂府應歌相府蓮。莫忘今年花發處，西湖西畔北山前。

望海樓晚景五絕

海上濤頭一線來，樓前指顧雪成堆。從今潮上君須上，更看銀山二十回。

橫風吹雨入樓斜。壯觀應須好句誇。雨過湖平江海碧，電光時掣紫金蛇。

青山斷處塔層層。隔岸人家喚欲鷹。江上秋風晚來急，爲傳鐘鼓到西興。樓下誰家燒夜香。玉笙哀怨弄初涼。臨風有客吟秋扇，拜月無人見晚妝。

沙河燈火照山紅。歌鼓喧呼語笑中。爲問少年心在否，角巾欹側鬢如蓬。

八月十七復登望海樓自和前篇是日榜出與試官兩人

復留五首

樓上煙雲怪不來
樓前飛紙落成堆
非關文字須重看
卻被江山未放回

眼昏燭暗細行斜
考閱精彊外已誇
明日失杯君莫怪
早知安足不成蛇

亂山遮曉擁千層
睡美初涼撼不鷹
昨夜酒行君屢歎
定知歸夢到吳興

天台桂子爲誰香
倦聽空階夜點涼
賴有明朝看潮在
萬人空巷鬪新妝

秋花不見眼花紅
身在孤舟兀兀中
細雨作寒知有意
未教金菊出蒿蓬

和陳述古拒霜花

千株掃作一番黃，只有芙蓉獨自芳。
喚作拒霜知未稱，細思卻是最宜霜。

和沈立之問別二首

而今父老千行淚，一似當時初去時。
不用鐫碑頌遺愛，丈人清德畏人知。

臥聞鐃鼓送歸艎，夢裏惺惺共一觴。
試問別來愁幾許，春江萬

斛若爲量。

自注去時子在試院

鹽官絕句四首

南寺千佛閣

古邑居民半海濤師來構築便能高千金用盡身無事坐看香煙遶白豪

北寺悟空禪師塔自注名齊安宣宗微時師知其非凡人

已將世界等微塵空裏浮花夢裏身豈為龍顏更分別只應天眼識天人

塔前古檜

當年雙檜是雙童相對無言老更恭庭雪到腰埋不死如今化作兩蒼龍

僧爽白雞自注養二十餘年常立坐側聽經

斷尾雄雞本畏烹年來聽法伴修行還須卻置蓮花漏老怯風

霜恐不鳴

六和寺冲師闢山溪爲水軒

欲放清溪自在流。忍教冰雪落沙洲。出山定被江潮流。能爲山僧更少畱。

冬至日獨遊吉祥寺

井底微陽回未回。蕭蕭寒雨溼枯蓼。何人更似蘇夫子。不是花時肯獨來。

後十餘日復至

東君意淺著寒梅。千朵深紅未暇裁。安得道人殷七七。不論時節遣花開。

戲贈

惆悵沙河十里春。一番花老一番新。小橋依舊斜陽裏。不見樓中垂手人。

和人求筆跡

麥光鋪几淨無瑕。入夜青燈照眼花。從此剡藤真可弔。半紆春蚓縮秋蛇。

贈孫莘老七絕

嗟予與子久離羣。耳冷心灰百不聞。若對青山談世事。當須舉白便浮君。

天目山前淥浸裾。碧瀾堂下看銜鱸。作堤捍水非吾事。閒送蒼

溪入太湖

夜來雨洗碧巘
浪湧雲屯
遶郭寒聞
有弁山何處是爲君
四面竟求看

夜橋燈火照溪明
欲放扁舟取次行
暫借官奴遣吹笛
明朝新月到三更

三年京國厭藜蒿
長羨淮魚壓楚糟
今日駱駝橋下泊
恣看修網出銀刀

烏程霜稻襲人香
釀作春風雪水光
時復中之徐邈聖母多酌
我次公狂

去年臘日訪孤山
曾借僧窗半日閒
不爲思歸對妻子
道人

約徑須還

王復秀才所居雙檜二首

吳王池館徧重城
奇草幽花不記名
青蓋一歸無覓處
只畱雙檜待昇平

凜然相對敢相欺
直榦臨空未要奇
根到九泉無曲處
世間惟有蟄龍知

上元過祥符僧可久房蕭然無燈火

門前歌舞鬪分明
一室清風冷欲冰
不把琉璃閒照佛
始知無盡本無燈

飲湖上初晴後雨二首

朝曦迎客宴重岡晚雨留人入醉鄉此意自佳君不會一杯當

屬水仙王

自注湖上有水仙王廟

水光潋灩晴方好山色空濛雨亦奇欲把西湖比西子淡妝濃抹總相宜

富陽妙庭觀董雙成故宅發地得丹鼎覆以銅盤承以琉

璃盆盆既破碎丹亦爲人爭奪持去今獨盤鼎在耳首二

人去山空鶴不歸丹亡鼎在世徒悲可憐九轉功成後卻把飛

昇乞內

集作肉

芝

琉璃擊碎走金丹無復神光發舊壇時有世人來舐鼎欲隨雞

犬事劉安

山村五絕

竹籬茅屋趁溪斜，春入山村處處花。
無象太平還有象，孤煙起處是人家。

煙雨濛濛雞犬聲，有生何處不安生。
但令黃犢無人佩，布穀何勞也勸耕。

老翁七十自腰鐮，慙愧春山筍蕨甜。
豈是聞韶解忘味，爾來三月食無鹽。

杖藜裹飯去匆匆，過眼青錢轉手空。
贏得兒童語音好，一年強半在城中。

竊祿忘歸我自羞，豐年底事汝憂愁。
不須更待飛鳶墮，方念平

生馬少游

贈別

青鳥銜巾久欲飛黃鶯別主更悲哢
慙慙莫忘分攜處湖水東
邊鳳嶺西

次韻代畱別

絳蠟燒殘玉斝飛離歌唱徹萬行哢
他年一舸鷗夷去應記儂
家舊姓西

吉祥寺花將落而述古不至

今歲東風巧剪裁含情只待使君來
對花無信花應恨直恐明年便不開

述古聞之明日卽來坐上復用前韻同賦

仙衣不用剪刀裁國色初含

一作甜

卯酒來太守問花花有語爲

君零落爲君開

寶山晝睡

七尺頑軀走世塵十圍便腹貯天真此中空洞渾無物何止容

君數百人

席上代人贈別三首

悽音怨亂不成歌縱使重來柰老何淚眼無窮似梅雨一番勻

了一番多

天上麒麟豈混塵籠中翡翠不由身那知昨夜香闈裏更有偷

噓暗別人

蓮子擘開須見臆
楸枰著盡更無期
破衫卻有重逢處
一飯何曾忘卻時

唐道人言天目山上俯視雷雨每大雷電但聞雲中如嬰

兒聲殊不聞雷震也

已外浮名更外身
區區雷電若爲神山頭
只作嬰兒看無限
人閒失箸人

追和子由去歲試舉人洛下所寄五首

暴雨初晴樓上晚景

秋後風光雨後山
滿城流水碧潺潺
煙雲好處無多子
及取昏

鴉未到閒

洛邑從來天地中
嵩高蒼翠北邙紅
風流蒼舊消磨盡
只有青

山對病翁

自注謂富公也

白汗翻漿午景前
雨餘風物便蕭然
應傾半熟鴉黃酒
照見新

晴水碧天

疾雷破屋雨翻河
一掃清風未覺多
應似畫師吳道子
高堂巨

壁寫降魔

客路三年不見山
上樓相對夢魂閒
明朝卻踏紅塵去
羞向清

伊照病顏

佛日山榮長老方丈五絕

陶令思歸久未成。遠公不出但聞名。山中只有蒼苔叟。數里蕭蕭管送迎。

千株玉槩擡雪立。一穗珠旒落鏡寒。何處霜眉碧眼客。結爲三友冷相看。

東麓雲根露角牙。細泉幽咽走金沙。不堪土肉埋山骨。未放蒼龍浴渥洼。

食罷茶甌未要深。清風一榻抵千金。腹搖鼻息庭花落。還盡平生未足心。

日射西廊午枕明。水沈燒盡碧煙橫。山人睡覺無人見。只有飛蚊遶鬢鳴。

八月十五日看潮五絕

定知玉兔十分圓已作霜風九月寒
寄語重門休上鑰夜潮留向月中看

萬人鼓噪懾吳儂猶似浮江老阿童
欲識潮頭高幾許越山渾

在浪花中

江邊身世兩悠悠久與滄波共白頭
造物亦知人易老故教江

水向西流

吳兒生長狎濤淵冒利輕生不自憐
東海若知明主意應教斥

鹵變桑田

自注是時新有旨禁弄潮

江神河伯兩醜雞海若東來氣吐霓
安得夫差水犀手三千強

弩射湖

低自注吳越王嘗以弓弩射湖頭與海神戰自爾水不近城

臨安三絕

將軍樹

阿堅澤畔菰蒲節。玄德牆頭羽葆桑。不會世間閑草木。與人何事管興亡。

錦溪

楚人休笑沐猴冠。越俗徒誇翁子賢。五百年間異人出。盡將錦繡裹山川。

石鏡

山雞舞破半巖雲。菱葉開殘野水春。應笑武都山下土。枉教明

月殉佳人

陌上花三首

並引

遊九仙山聞里中兒歌陌上花父老云吳越王妃每歲春必歸臨安王以書遺妃曰陌上花開可緩緩歸矣吳人用其語爲歌念恩宛轉聽之淒然而其詞鄙野爲易之云

陌上花開蝴蝶飛江山猶是昔人非
遭民幾度垂垂老遊女長歌緩緩歸

陌上山花無數開
路人爭看翠輦來
若爲畱得堂堂去
且更從教緩緩回

生前富貴草頭露身後風流陌上花已作遲遲君去魯猶歌緩
緩妾回家

九日舟中望見有美堂上魯少卿飲以詩戲之二首

指點雲間數點紅笙歌正擁紫髯翁誰知愛酒龍山客卻在漁
舟一葉中

西閣珠簾卷落暉水沈煙斷佩聲微遙知通德淒涼甚擁髻無
言怨未歸

遊諸佛舍一日飲醜茶七盞戲書勤師壁

示病維摩元不病在家靈運已忘家何須魏帝一丸藥且盡盧
仝七盃茶

金門寺中見李西臺與二錢

自注惟演易

唱和四絕句戲用其

韻跋之

帝城春日帽簷斜二陸初來尙憶家未肯將鹽下尊菜已應知
雪似楊花

平生賀老慣乘舟騎馬風前怕打頭欲問君王乞符竹但憂無

蠻有監州

自注皆世所傳錢氏故事

西臺妙迹繼楊風自注擬式無限龍虵洛寺中一紙清詩弔興廢塵

埃零落梵王宮

五季文章墮劫灰升平格力未全回故知前輩宗徐庾數首風
流似玉臺

書雙竹湛師房二首

我本西湖一釣舟，意嫌高屋冷飈飈。
羨師此室纔方丈，一炷清香盡日留。

暮鼓朝鐘自擊撞，閉門孤枕對殘缸。
白灰旋撥通紅火，臥聽蕭蕭雨打窗。

和述古冬日牡丹四首

一朵妖紅翠欲流，春光回照雪霜羞。
化工只欲呈新巧，不放閒花得少休。

花開時節雨連風，卻向霜餘染爛紅。
漏泄春光私一物，此心未信出天工。

當時只道鶴林仙能遣秋花發杜鵑誰信詩能回造化直教霜
杵放春妍

不分清霜入小園故將詩律變寒暄使君欲見藍關詠更倩韓
郎爲染根

弔天竺海月辯師三首

欲尋遺跡彊沾裳本自無生可得亡今夜生公講堂月滿庭依
舊冷如霜

生死猶如臂屈伸情鍾我輩一酸辛樂天不是蓬萊客憑仗西
方作主人

欲訪浮雲起滅因無緣卻見夢中身安心好住王文度此理何

須更問人

柳氏二外甥求筆迹二首

退筆如山未足珍，讀書萬卷始通神。君家自有元和脚，莫厭家雞更問人。

一紙行書兩絕詩，遂良鬢鬢已成絲。何當火急傳家法，欲見誠懸筆諫時。

錢道人有詩云：直須認取主人翁，作兩絕戲之。

首斷故應無斷者，冰銷那復有冰知。主人若苦令儂認，認主人人竟是誰。

有主須還更有賓，不如無鏡自無塵。只從半夜安心後，失卻當

年覺痛人

成都進士杜暹伯升出家名法通往來吳中

欲識當年杜伯升飄然雲水一孤僧若教俯首隨羶鎖料得如

今似我能

自注柳子玉云通若及第不過似我

監洞霄宮僉康直郎中所居四詠

退圃

百丈休牽上瀨船一鉤歸釣縮頭鰓園中草木春無數只有黃

楊厄閏年

自注俗說黃楊一歲長一寸遇閏退三寸

逸堂

新第誰來作竝鄰舊官甯復憶星辰請君置酒吾當賀知向江

湖拜散人

遜軒

冠蓋相望起隱淪先生那得老江村古來真遜何曾遜笑殺躡垣與閉門

遠樓

西山煙雨卷疏簾北戶星河落短檐不獨江天解空闊地偏心遠似陶潛

次韻沈長官三首

家山何在兩忘歸杯酒相逢慎勿違不獨飯山嘲我瘦也應糠覈怪君肥

男婚已畢女將歸。累盡身輕志莫違。聞道山中食無肉。玉池清
水自生肥。

造物知吾久念歸。似憐衰病不相違。風來震澤帆初飽。雨入松
江水漸肥。

戲書吳江三賢畫像三首

誰將射御教吳兒。長笑申公爲夏姬。卻遣姑蘇有麋鹿。更憐夫
子得西施。

自注
范蠡

浮世功勞食與眠。季鷹真得水中仙。不須更說知機早。直爲鱸
魚也自賢。

自注
張翰

千首文章二頃田。囊中未有一錢看。卻因養得能言鴨。驚破王

孫金彈丸

自注陸龜蒙

回先生過湖州東林沈氏飲醉以石榴皮書其家東老菴之壁云西鄰已富憂不足東老雖貧樂有餘白酒釀來因好客黃金散盡爲收書西蜀和仲聞而次其韻三首

東老沈氏之老自謂也湖人因以名之其子偕作詩有

可觀者

按王會回仙碑云熙甯元年八月十九日湖州歸安縣之東林有隱君子沈思字持正隱於東

林因以東老名焉能釀十八仙白酒一日有客自稱回道人長揖東老曰知君白酒新熟願求一醉公命之坐徐觀其目碧色粲然光彩射人與之語無不通究故知非塵埃中人也因出與飲自日中至暮已飲數斗殊無酒色回曰久不游浙中今爲子有陰德留詩贈子乃擘席上楮皮畫字題於菴壁

世俗何知窮是病神仙可學道之餘但知白酒留佳客不問黃

公覓素書

符離道士晨興際華岳先生尸解餘忽見黃庭丹篆句猶傳青
紙小朱書

淒涼雨露三年後髣髴塵埃數字餘至用榴皮緣底事中書君
豈不中書

李行中醉眠亭三首

已向閒中作地仙更於酒裏得天全從教世路風波惡賀監偏
工水底眠

君且歸休我欲眠人言此語出天然醉中對客眠何害須信陶
潛未若賢

孝先風味也堪憐肯爲周公晝日眠枕麴先生猶笑汝枉將空
腹貯遺編

單同年求德與俞氏聚遠樓詩三首

雲山煙水苦難親野草幽花各自春賴有高樓能聚遠一時收
拾與閒人

無限青山散不收雲奔浪卷入簾鉤直將眼力爲疆界何啻人
閒萬戶侯

聞說樓居似地仙不知門外有塵寰幽人隱几寂無語心在飛
鴻滅沒閒

次韻孫巨源寄漣水李盛二著作並以見寄五絕

此下密州之詩

南嶽諸劉豈易逢相望無復馬牛風山公雖見無多子社燕何

由戀塞鴻

自注昔與巨源劉貢父劉莘老相遇於山陽自爾契闊惟巨源近者復相見於京口

高才晚歲終難進勇退當年正急流不獨二疏爲可慕他時當

有景孫樓

自注巨源近離東海郡有景疏樓

漱石先生難可意

自注謂巨源

鬻攬校尉久無朋自注應知客路愁

無奈故遣吟詩調李陵

自注謂李君也

雲雨休排神女車忠州老病畏人誇詩豪正值安仁在空看河

陽滿縣花

自注盛爲邑宰

膠西未到吾能說桑柘禾麻不見春不羨京塵騎馬客羨他淮

月弄舟人

王莽

漢家殊未識經綸入手功名事事新
百尺穿成連夜井千金購得解飛人

董卓

公業平時勸用儒諸公何事起相圖
只言天下無健者豈信車中有布乎

送趙寺丞寄陳海州

景疏樓上喚蛾眉君到應先誦此詩
若見孟公投轄飲莫忘衝雪送君時

答陳述古二首

漫說山東第二州。棗林桑泊負春游。城西亦有紅千葉。人老簪花卻自羞。

小桃破萼未勝春。羅綺叢中第一人。聞道使君歸去後。舞衫歌扇總生塵。自注陳有小妓述古稱之

和張子野見寄三絕句

過舊遊

前生我已到杭州。到處長如到舊遊。更欲洞霄爲隱吏。一菴閒地且相留。

見題壁

狂吟跌宕無風雅。醉墨淋漓不整齊。應爲詩人一回顧。山僧未

忍掃黃泥

竹閣見憶

柏堂南畔竹如雲，此閣何人是主人。但遣先生披鶴氅，不須更畫樂天真。

和文與可洋川園池三十首

湖橋

朱闌畫柱照湖明，白葛烏紗屐履行。橋下鰣魚晚無數，識君拄杖過橋聲。

橫湖

貪看翠蓋擁紅妝，不覺湖邊一夜霜。卷卻天機雲錦段，從教匹

練寫秋光

書軒

雨昏石硯寒。雲色風動耳。饑亂葉聲庭下已。生書帶草使君疑。
是鄭康成

冰池

不嫌冰雪遶池看。誰似詩人巧耐寒。記得羲之洗硯處。碧琉璃。
下黑蛟蟠

竹塢

晚節先生道轉孤。歲寒唯有竹相娛。麤才杜牧真堪笑。喚作軍
中十萬夫

荻浦

雨折霜乾不耐秋。白花黃葉使人愁。月明小艇湖邊宿，便是江南鷓鴣洲。

蓼嶼

秋歸南浦。蠓蛄鳴霜落。橫湖沙水清。臥雨幽花無限思。抱叢寒蝶不勝情。

望雲樓

陰晴朝暮幾回新。已向虛空付此身。出本無心歸亦好。白雲還似望雲人。

天漢臺

濠水東流舊見經銀潢左界上通靈此臺試向天文覓閣道中
閒第幾星

待月臺

月與高人本有期挂檐低戶映蛾眉只從昨夜十分滿漸覺冰
輪出海遲

二樂榭

此閒真趣豈容談二樂并君已是三仁智更煩訶妄見坐令魯
叟作瞿曇

自注來詩云
二見因妄生

灤泉亭

聞道池亭勝兩川應須爛醉答雲煙勸君多揀長腰米消破亭

中萬斛泉

吏隱亭

縱橫憂患滿人閒。煩怪先生日日閒。昨夜清風眠北牖。朝來爽氣在西山。

霜筠亭

解籜新篁不自持。嬋娟已有歲寒姿。要看凜凜霜前意。須待秋風粉落時。

無言亭

殷勤稽首維摩詰。敢問如何是法門。彈指未終千偈了。向人還道本無言。

露香亭

亭下佳人錦繡衣。滿身瓔珞綴明璣。晚香消歇無尋處。花已飄零露已晞。

涵虛亭

水軒花榭兩爭妍。秋月春風各自偏。惟有此亭無一物。坐觀萬景得天全。

谿光亭

決去湖波尙有情。卻隨初日動檐楹。谿光自古無人畫。憑仗新詩與寫成。

過谿亭

身輕步穩去忘歸。四柱亭前野竹微。忽悟過谿還一笑。水禽驚落翠毛衣。

披錦亭

煙紅露綠曉風香。燕舞鶯啼春日長。誰道使君貧且老。繡屏錦帳咽笙簧。

禊亭

曲池流水細鱗鱗。高會傳觴似洛濱。紅粉翠娥應不要。畫船來往勝於人。

菡萏亭

日日移牀趁下風。清香不盡思何窮。若爲化作鸚鵡千歲巢。向田

田亂葉中

茶蘼洞

長憶故山寒食夜野茶蘼發暗香來分無素手簪羅髻且折霜
蕤浸玉醅

簞簞谷

漢川修竹賤如蓬斤斧何曾赦籜龍料得清貧饒太守渭川千
畝在胸中

寒蘆港

溶溶晴港漾春暉蘆筍生時柳絮飛還有江南風物否桃花流
水紫魚肥

野人廬

少年辛苦事犁鋤。厭青山。遶故居。老覺華堂無意味。卻須時到野人廬。

此君菴

寄語菴前抱節君。與君到處合相親。寫真雖是文夫子。我亦真堂作記人。

香橙徑

金橙縱復里人知。不見鱸魚價自低。須是松江煙雨裏。小船燒薤擣香齏。

南園

不種天桃與綠楊使君應欲候農桑春畦雨過羅紈膩夏隴風來餅餌香

北園

漢水巴山樂有餘一麾從此首歸塗北園草木憑君問許我他年作主無

和孔密州五絕

此下徐州之詩

見邸家園留題

大旆傳聞載酒過小詩未忍著磚磨陽關三疊君須祕

自注來詩有消

城之句除卻膠西不解歌

春步西園見寄

歲歲開園成故事年年行樂不辜春今年太守尤難繼慈愛聰明惠利人

東欄梨花

梨花淡白柳深青柳絮飛時花滿城惆悵東欄二株雪人生看得幾清明

和流杯石上草書小詩

蜂腰鶴膝嘲希逸春蚓秋虵病子雲醉裏自書醒自笑如今一絕更逢君

堂後白牡丹

城西千葉豈不好笑舞春風醉臉丹何似後堂冰玉潔游蜂非

意不相干

自注孔頗有聲妓而客無見者

和趙郎中見戲二首

自注趙以徐妓不如東武詩中見戲云只有當時燕子樓

燕子人亡三百秋
卷簾那復似揚州
西行未必能勝此
空唱崔徽上白樓

我擊藤牀君唱歌
明年六十柰君何

自注趙每醉歌畢醉顛只輒日明年六十矣

要裝風景莫向人前自洗磨

子由將赴南都與余會宿於逍遙堂作兩絕句讀之殆不

可爲懷因和其詩以自解余觀子由自少曠達天資近

道又得至人養生長年之訣而余亦竊聞其一二以爲

今者宦游相別之日淺而異時退休相從之日長旣以

自解且以慰子由云二首

別期漸近不堪聞
風雨蕭蕭已斷魂
猶勝相逢不相識
形容變盡語音存

但令朱雀長金花
此別還同一轉車
五百年間誰復在
會看銅狄兩咨嗟

陽關詞三首

贈張繼原

受降城下紫髯郎
戲馬臺前古戰場
恨君不取契丹首
金甲牙旗歸故鄉

答李公擇

濟南春好雪初晴行到龍山馬足輕使君莫忘雪谿女時作陽
關腸斷聲

中秋月

暮雲收盡溢清寒銀漢無聲轉玉盤此生此夜不長好明月明
年何處看

和孔周翰二絕

再觀邸園畱題

小園香霧曉蒙籠醉手一作守狂詞未必工魯叟錄詩應有取曲

收彤管邶鄘風

觀淨觀堂效韋蘇州詩

弱羽巢林在一枝幽人蝸舍兩相宜樂天長短三千首卻愛韋
郎五字詩

登望拱亭

河漲西來失舊拱孤城渾在水光中忽然歸壑無尋處千里禾
麻一半空

虔州八境圖八首

引

南康八境圖者太守孔君之所作也君既作石城卽其
城上樓觀臺榭之所見而作是圖也東望七閩南望五
嶺覽羣山之參差俯章貢之奔流雲煙出沒草木蒼麗
邑屋相望雞犬之聲相聞觀此圖也可以茫然而思粲

然而笑慨然而歎矣蘇子曰此南康之一境也何從而
八乎所自觀之者異也且子不見夫日乎其旦如槃其
中如珠其夕如破璧此豈三日也哉苟知夫境之爲八
也則凡寒暑朝夕雨暘晦明之異坐作行立哀樂喜怒
之接於吾目而感於吾心者有不可勝數者矣豈特八
乎如知夫八之出乎一也則夫四海之外詭詭譎怪禹
貢之所書鄒衍之所談相如之所賦雖至千萬未有不
一者也後之君子必將有感於斯焉乃作詩八章題之

圖上

坐看奔湍遶石樓使君高會百無憂三犀竊鄙秦太守八詠聊

同沈隱侯

濤頭寂寞打城還。章貢臺前暮靄寒。劬客登臨無限思。孤雲落日。是長安。

白鵲樓前翠作堆。縈雲嶺路若爲開。故人應在千山外。不寄梅

花遠信來。

朱樓深處日微明。早蓋歸時酒半醒。薄暮樵漁人去盡。碧谿青嶂。透螺亭。

使君那暇日參禪。一望叢林一悵然。成佛莫教靈運後。著鞭從

使祖生先。

卻從塵外望塵中。無限樓臺煙雨濛。山水照人迷向背。只尋孤

十八家詩鈔

卷三十六

五

塔認西東

煙雲縹緲鬱孤臺積翠浮空雨半開想見之罘觀海市絳宮明
滅是蓬萊

回峯亂嶂鬱參差雲外高人世得知誰向空山弄明月山中木
客解吟詩

十八家詩鈔卷二十六

善化黃維甲襄校